



7. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

1. **Peqqissutsimut Naalakkersuisoq pilersaaruteqarnerluni illuatungiliuttuniit salluiorsimasutut imaluunniit ataatsimiinnissamut ulloq 19. November 2021-mut piareersarsimangitsutut kusanaatsumik taajuisimanini utoqqatsissutigissallugu? Taamatut taajuineq Sermitsiaq.ag ulloq 7. December 2021-meersumit atuarneqarsinnaavoq (Danskisuinnaq)<sup>1</sup>**

  - a. **Peqqissutsimut Naalakkersuisoq utoqqatserumassangippat; Naalakkersuisut Siulittaasuat sinnerlugu utoqqatserniarnerluni?**
  - b. **Peqqissutsimut Naalakkersuisoq utoqqatserumassangippat; Naalakkersuisut Siulittaasuat Peqqissutsimut Naalakkersuisutut atuuffianiit pearniarnerlugu?**

2. **Peqqissutsimut Naalakkersuisoq kusanaatsumik taajuisimanini allatut saatsillugit tunngavilersulissagaluarunigit, paasinerlunneqarsimalluni imaluunniit oqaatigisimangisaminik saqqummiussisoqarsimaneramik, taava akissuttisarserusuppara sooq Peqqissutsimut Naalakkersuisumiit naqqiissummik nassiussisoqarsimanginneramik?**

(Inatsisartunut Ilaasortaq Jens-Frederik Nielsen, Demokraatit)

**Tunngavilersuut**

Qinikkatut politikikkut sulinitsinni pingaarnerpaanut ilaavoq tamanut ammasumik tatiginartumik saqqummertarnissaq. Taamaattumik paatsuugassaangilaq, iliussissani kusananginneraanut ilaavoq sallunerartissalluni imaluunniit suliamik paarinnissimanginnerartissalluni.

Uanga partiillu siuttui illuatungiliuttuneersut Peqqissutsimut Naalakkersuisumiit Sermitsiaq.ag ulloq 7. december taamatut taajorneqarpugut. Eqqortumik ima allaqqasoqarpoq (nutserlugu):

*"Sallupput imaluunniit atuarsimangillat taamaammallu innersuussutigineqartoq paasisimanagu, ataatsimiinneq pivoq 19. november. Taamaangippat allamik siunertaqarput, tamannalu isumaqarpunga akisussaassuseqanginnerusoq uggornartorlu."*

Qaammat ataaseq qaangiutereersimalerpoq taajuinerit kusanaatsut pimmatali, aammalu ataatsimiinnerni mailikkullu utoqqatserfigineqarnissat piumasarsimasakka imaluunniit aaqeeqqusunikka qisuariarfigineqarsimangillat. Peqqissutsimut Naalakkersuisoq nipaqqangivippoq. Tatiginninnera naqqanneqqavoq, uterteqqinniaruniullu suliasaqaangaatsiarpoq. Piumasaqaatitaqangitsumik takinerunngitsumillu tamanut ammasumik utoqqatserneq aallarniut pitsaasussooq.

Pisariaqangitsumik pissusilersorneq killissaqarpoq, tamanna ajornarsaartariaqangilaq.

---

<sup>1</sup> <https://sermitsiaq.ag/kirsten-fencker-afviser-kritik-oppositionen>



**DEMOKRAATIT**  
DEMOKRATERNE

Apeqqutit ullut qulit suliffiusut iluanni akineqareersimanissaat kissaatigaara.